



13-11-2023

Skupština Kantona Sarajevo
n/r zastupnice Sanele Klarić

Redni broj	Broj	Redni broj
01	04	42543-51/23

PREDMET : Odgovor na zastupničku inicijativu, zastupnice Sanele Klarić

Aktom broj:01-04-42543-51/23 od 03.10.2023.godine, zatražili ste da se izjasnimo o zastupničkoj inicijativi, zastupnice Skupštine Kantona Sarajevo, Sanele Klarić.

Postupajući po inicijativi, koja se odnosi na izgradnju stambenih objekata, koje treba prilagoditi standardima zelene gradnje EU, kontaktirali smo zastupnicu, te smo uputili predstavnicu Fonda Kantona Sarajevo za izgradnju stanova, zaduženu za poslove energetike na sastanak koji je održan dana, 16.10.2023. godine

Na sastanku je izneseno da Fond Kantona Sarajevo za izgradnju stanova podržava inicijativu zastupnice Sanele Klarić, kao i da Fond u budućnosti planira proširiti djelatnost na način da mu se omogući obavljanje poslova energetske efikasnosti.

Da bi Fond imao mogućnost obavljati poslove energetske efikasnosti, potrebno je da Vlada Kantona Sarajevo, odnosno Skupština Kantona Sarajevo usvoje dopunu Odluke o osnivanju Fonda, kao i dopunu Statuta Fonda.

Sa stanovišta kadrovske osposobljenosti, u Fondu je zaposlena jedna uposlenica, koja ima znanje i iskustvo u oblasti energetske efikasnosti, te položen stručni ispit iz oblasti mašinstva, odsjek energetika. Ona je također, imenovana kao stručno kvalifikovano lice za obavljanje energetskih audita i/ili energetsko certificiranje (modul 1, modul 2 i modul 3), kao i u stručni tim BiH ESAP 2030+ grupe za zaštitu okoliša i izradi strategije za zaštitu okoliša.

U stručnom timu za energetsku efikasnost je jedan uposlenik Fonda koji je stručno kvalifikovano lice za arhitektonsku fazu, koji je educiran i posjeduje modul 1 i modul 2. Fond iskazuje zainteresovanost da se uposlenici Fonda dodatno edukuju u dijelu koji se odnosi na zelenu energiju, kao i uvođenje zelene javne nabavke.

Ovim putem želimo naglasiti da Fond Kantona Sarajevo za izgradnju stanova postupa u skladu sa odredbama Zakona o energetskoj učinkovitosti Federacije Bosne i Hercegovine ("Službene novine Federacije BiH", broj 23/17), pri izgradnji novih objekata, a naročito da se pridržava energetskih karakteristika zgrada, te da nakon završetka izgradnje objekta pri konačnom izvještaju tehničkog prijema zgrade energetski certificira objekat koji se nalazi u A razredu - energetski certifikat.

Energetski certifikat je urađen za objekat K30 i K31 na lokaciji Šip, čija je gradnja završena u oktobru 2023.godine.

U 2023.godini Fond je započeo gradnju stambeno-poslovnog objekta u Ilijašu, prilikom čije gradnje će se u potpunosti ispoštovati odredbe navedenog Zakona i koji će se nakon izgradnje energetski certificirati.

Za sva dodatna pojašnjenja možete kontaktirati Alić Eminu, stručnu saradnicu za energetiku i mašinske instalacije u Fondu, kontakt telefon: 033 776 191.

S poštovanjem,

